

**Epesus 5:22-24 Iuèi sinibages mo sinibalèna bagè penguëina bai Tuhan i. 23**

**Ai sinibalè i ngo takal si nibagesna, bagè Kristus takal Kuria i, janah ia ma ngo Sipaluah i kuria sienggo terdokken dagingNa i. 24 Tosè bagè penguèi kuria bai Kristus i, bagidi ma mo sinibages menguèi sinibalèna.**

**Epesus 5:31,33 Tersurat ngo ibas Bibèl, "Kerna naidi itadingken anak laki ngo bapana bak inangna, lako rebbak dekket sinibagesna, janah gabè sada daging mo kalak i sidua." 33 Lot ngo demmuna ayat i bai ndènè: Karinana sinibalè kennah ikekelengi ngo sinibagesna gennep, dosken dirina sendiri, janah gennep sinibages kennah merkebiaren taba sinibalèna.**

**1 Korintus 7:3-5 Iulaken sinibalè mo sipatut taba sinibagesna, janah bagi ma mo iulaken sinibages sipatutna taba sinibalèna; gennep mo kalak i mengulaken patutna bai samah kalak i. 4 Oda ngo guru bai daberru idi dirina, tapi guru bai sinibalèna ngo. Suang bagidi ma ngo anak laki idi, oda merguru bana dirina, tapi guru bai sinibagesna ngo. 5 Ulang mo kènè pedaoh-daoh, ukum mak arap ijin ndènè duana, ipè ulang ndekkahsu, asa lot tikki ndènè lako mersodip. Nai rebbak nola mo kènè, asa ulang iunjuni sibolis kènè, kumarna oda tertahan kènè cubellek daging ndènè.**

**1 Korintus 7:34 dungna gabè merdua ukur nola mo ia. Sada kalak daberru siso sijahè, barang pè sada simerbau, siperlu bai Tuhan i mo ipikiri, asa bolet tendina bak dagingna gabè milik Tuhan i. Tapi ukum daberru sienggo sijahè, dak ipikiri ngo siperlu i tanoh èn, kerna naing ngo ia pesennangken ukur sinibalèna.**

**Kolose 3:18 Kènè partua ibages, uèi kènè mo sinibalè ndènè, ai bagi ngo patutna pengelako kalak Kristen.**

**1 Timoteus 2:11-15 Kennah mersiajar ngo daberru i nono janah tuhu-tuhu merpenguèi. 12 Oda kupaduè daberru mengajar barang pè mengerajai sinibalèna; sandok kennah nono ngo kalak i. 13 Kerna si Adam ngo perlebbè itempa Dèbata, nai pè asa si Hawa. 14 Janah oda ngo si Adam ioto-otoi, tapi daberru i ngo gabè mengelausi i perèntah Dèbata. 15 Tapi tukasi pè bagi merkitèken menubuhken dukak, gabè maluah ngo daberru i, asal mo tettap ia Mercerrep ukur merkepercayaen bai Kristus janah tettap merkelleng atè bak metemman i hadeppen Dèbata.**

**Mulana 3:16 - 1 Petrus 3:1-6 Bagidi ma ngo bang kènè pè alè partua ibages, kennah tunduk ngo kènè taba sinibalè ndènè, asa tah lot dèba kalak i siso percaya bai Dèbata, jadi merkitè pengellako ndènè i gabè percaya nola mo ia, janah oda pella perlu merkitè-kitè kata ndènè, 2 Kerna idah kalak idi perangè ndènè rèntem i, ninganna merpenguèi. 3 Ulang pellin ipejagar-**

**jagar kènè rupa ndènè kan duru sambing merkitèken mendandan buk barang merpakèen buradda barang memakkè pakèen maharga-maharga. 4 Tapi naing mo nemmu kinimberru ndènè i arap pusuh perratèen ndènè nai rohna, umpamana merpengelako lamlam janah damè; i ngo kinimberru ikellemmoken atè Dèbata. 5 Bagidi ngo daberru simeragama ukum arnia memakkè, janah merpenguèi bai sinibalèna. 6 Si Sara pè bagi ngo, merpenguèi ngo ia bai si Abraham, janah idokken ngo ia tuanna. Kènè pè dukak si Sara ngo. Jadi ulaken kènè mo simerandal i, ulang kumarnaken mbiar midah kalak.**

**Titus 2:1-5 Tapi ukum kono alè Titus! Ajarken mo peddah simerdemmu dekket peddah merandal. 2 Ajari mo anak laki sienggo tua-tua asa merpengerrem kalak i janah nggelluh bagè kalak sipatut pesangapen. Kennah ngo kalak i hot ibagasan peddah sèntèng bai Dèbata nai, merukur ngkelleng siso merpengait janah mbingit bana sober ipas sitahanen. 3 Bagi ma ngo kennah peddahi daberru sienggo tua-tua, asa merpengalako mpanting kalak i bagè patutna kalak simenguèi Dèbata. Oda ndorok kalak i menikas-nikasi kalak sidèban, janah ulang ketagiin mengènum simperngis. Kennah iajarken kalak i ngo simerandal, 4 asa merkitè bagidi ndorok iajari kalak i daberru sinarih poso dèng lako mengkekelengi sinibalèna bak dukak-dukakna pè, 5 asa bijak, metemman, janah gabè pertua ibages codiin menguèi simennokorsa. Merkitè bagidi oda lot dalan ndèba mengerèhèi kata Dèbata.**

**1 Korintus 11:5-7,10 Tapi mula daberru oda mersaong tikan mersodip barang merjamita, mengelèai sinibalèna ngo ia, ai sinibalèna i ngo takalna. Tosè ngo i bagè sienggo icukur takal daberru i. 6 Ai mula oda uè mersaong daberru, lotiin mo igonting bukna i. Tapi mula igonting barang icukkur buk daberru i, gabè kinilèa ngo i bana, kerna nai mersaong mo ia. 7 Ukum daholi oda pella perlu mertangkuluk, ai codi mi rupa dekket kehejiin Dèbata ngo ia, tapi ukum daberru, imo mennuduhken kesangapen daholi, 10 Kerna nai, lako pesennangken ukur malaèkat patut mo mersaong daberru idi, ai pertandaan ngo i memmagahken tunduk ia bai sinibalèna.**

**Codiin 12:4; 14:1; 19:13; 21:9,19; 25:24; & 27:15,16 - contentious & angry Sinibages**

**Codiin 31:10-31 - The Virtuous Sinibages**